

Pregled Dokumenata| Broj 57/21

Početna (/) / Dokumenti (/Docs/) / Službene novine Federacije BiH (/Docs/Drzavni) / Dokumenti pregled

Službene novine Federacije BiH, broj 57/21

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Uredbe o načinu finansiranja i upravljanja Garancijskim fondom ("Službene novine Federacije BiH", broj 44/20), Budžeta Federacije Bosne i Hercegovine za 2021. godinu ("Službene novine Federacije BiH", broj 4/21) i Zakona o izvršavanju Budžeta Federacije Bosne i Hercegovine za 2021. godinu ("Službene novine Federacije BiH", br. 4/21 i 48/21) na prijedlog Federalnog ministarstva razvoja, poduzetništva i obrta, Vlada Federacije Bosne i Hercegovine, na 274. sjednici, održanoj 15.07.2021. godine, donosi

ODLUKU

O USVAJANJU PROGRAMA UTROŠKA SREDSTAVA UTVRĐENIH U RAZDJELU 50. BUDŽETA FEDERACIJE BOSNE I HERCEGOVINE ZA 2021. GODINU FEDERALNOM MINISTARSTVU RAZVOJA, PODUZETNIŠTVA I OBRTA, TEKUĆI TRANSFERI I DRUGI TEKUĆI RASHODI - SUBVENCIJE PRIVATNIM PREDUZEĆIMA I PODUZETNICIMA - REGRESIRANJE KAMATA - GARANCIJSKI FOND

I.

Usvaja se Program utroška sredstava utvrđenih u razdjelu 50. Budžeta Federacije Bosne i Hercegovine za 2021. godinu Federalnom ministarstvu razvoja, poduzetništva i obrta, Tekući transferi i drugi tekući rashodi - Subvencije privatnim preduzećima i poduzetnicima - Regresiranje kamata - Garancijski fond.

Program iz stava (1) ove tačke je sastavni dio ove odluke.

II.

Ukupan iznos sredstava namijenjenih za subvencionisanje dijela kamate po ovom Programu je 6.000.000,00 KM, koji je osiguran Budžetom Federacije Bosne i Hercegovine za 2021. godinu i nalazi se na razdjelu 50., ekonomski kod 6145 - Subvencije privatnim preduzećima i poduzetnicima - Regresiranje kamata - Garancijski fond.

III.

Za realizaciju ove odluke zadužuju se Federalno ministarstvo razvoja, poduzetništva i obrta, Federalno ministarstvo finansija - Federalno ministarstvo financija i Razvojna banka Federacije Bosne i Hercegovine, svako u okviru svoje nadležnosti.

IV.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 1153/2021
15. jula 2021. godine
Sarajevo

Premijer
Fadil Novalić, s. r.

**Program utroška sredstava utvrđenih u razdjelu 50. Budžeta Federacije Bosne i Hercegovine za 2021. godinu
Federalnom ministarstvu razvoja, poduzetništva i obrta, Tekući transferi i drugi tekući rashodi - Subvencije
privatnim preduzećima i poduzetnicima - Regresiranje kamata - Garancijski fond"**

1. UVOD

Programom utroška sredstava utvrđenih u razdjelu 50. Budžeta Federacije Bosne i Hercegovine za 2021. godinu Federalnom ministarstvu razvoja, poduzetništva i obrta, Tekući transferi i drugi tekući rashodi - Subvencije privatnim preduzećima i poduzetnicima - Regresiranje kamata - Garancijski fond (u daljem tekstu: Program), definišu se zakonodavni okvir, cilj, namjena sredstava, korisnici Programa, raspoloživa sredstva, trajanje Programa, visina subvencionirane kamatne stope, uslove koje treba ispuniti korisnik, izvještavanje, kao i postupak odobravanja sredstava. Ovaj Program je rezultat nastojanja Vlade Federacije Bosne i Hercegovine za nastavak iznalaženja mjera pomoći privredi Federacije Bosne i Hercegovine, uslijed poteškoća u poslovanju subjekata male privrede.

Sredstva za provođenje i realizaciju Programa su obezbijeđena u Budžetu Federacije Bosne i Hercegovine za 2021. godinu.

2. ZAKONODAVNI OKVIR

- Zakon o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06);
- Uredba o načinu finansiranja i upravljanja Garancijskim fondom ("Službene novine Federacije BiH", broj 44/20);
- Budžet Federacije Bosne i Hercegovine za 2021. godinu ("Službene novine Federacije BiH", broj 4/21);
- Zakon o izvršavanju Budžeta Federacije Bosne i Hercegovine za 2021. godinu ("Službene novine Federacije BiH", broj 4/21);

3. CILJ PROGRAMA

Osnovni cilj Programa je omogućiti korisnicima koji su kreditno zaduženi po Kreditno-garantnom programu za mikro, mala i srednja preduzeća ("Službene novine Federacije BiH", broj 65/20) i Kreditno-garantnom programu za obrtnike i ostale samostalne privredne djelatnosti ("Službene novine Federacije BiH", broj 65/20), kao i za navedene kreditno-garantne programe koji su objavljeni u 2021. godine ("Službene novine Federacije BiH", broj 41/21), da dobiju grant sredstva na ime subvencionisanja dijela troškova kamate. Subvencionisati će se dio kamata na naprijed navedene kredite, na tromjesečnom nivou, u visini do 4,5%.

4. NAMJENA SREDSTAVA PROGRAMA

Postupak subvencionisanja dijela kamate će se provoditi na način da će se vršiti refundiranje dijela kamate na kredite odobrene za naprijed navedene programe za održavanje tekuće likvidnosti i postojećeg stepena zaposlenosti, obrtnih sredstava, dovršenja već započetih investicija, kao i pokretanje novih poslovnih aktivnosti i rast i razvoj postojećih mikro, malih i srednjih preduzeća kao i obrtnika i ostalih samostalnih privrednih djelatnosti, povećanje konkurentnosti, razvoj i uvođenje inovacija, kao i nova zapošljavanja.

5. KORISNICI PROGRAMA

Pravo na dodjelu grant sredstava po ovom Programu ostvaruju subjekti male privrede koji su kreditno zaduženi po postojećim programima za mikro, mala i srednja preduzeća, kao i za obrtnike i ostale samostalne privredne djelatnosti ("Službene novine Federacije BiH", broj 65/20) ili će biti zaduženi u narednom periodu u okviru Kreditno-garantnog programa za mikro, mala i srednja preduzeća i Kreditno-garantnog programa za obrtnike i ostale samostalne privredne djelatnosti ("Službene novine Federacije BiH", broj 41/21), koji su na snazi od 01.06.2021. godine.

6. RASPOLOŽIVA SREDSTVA

Ukupan iznos sredstava namijenjenih za subvencionisanje dijela kamate po ovom Programu je 6.000.000,00 KM, koji je osiguran Budžetom Federacije Bosne i Hercegovine za 2021. godinu i nalazi se na razdjelu 50., ekonomski kod 6145 - Subvencije privatnim preduzećima i poduzetnicima - Regresiranje kamata - Garancijski fond.

Subvencije će se odobravati korisnicima kreditnih sredstava do kraja fiskalne godine, odnosno do 31.12.2021. godine.

7. PROCEDURA ODOBRENJA SUBVENCIIJE

Pravo na regresiranje kamata imaju svi subjekti male privrede koji su korisnici kredita po kreditno-garantnim programima za mikro, mala i srednja preduzeća, kao i za obrtnike i ostale samostalne privredne djelatnosti za 2020. godinu, kao i budući korisnici kredita po programima za 2021. godinu. Federalno ministarstvo razvoja, poduzetništva i obrta neće raspisivati javni poziv po ovom Programu, obzirom da će korisnici sredstava garancijskog fonda po automatizmu dobiti mogućnost korištenja sredstava za regresiranje kamata. Po ovom Programu, korisnici kredita stižu pravo na regresiranje kamata za I, II, III i IV kvartal 2021. godine, ukoliko su uredno izmirili dotadašnje obaveze po kreditu.

Nakon što Razvojna banka Federacije Bosne i Hercegovine obezbijedi dokaz od komercijalne banke da je korisnik kredita uredno otplatio na kvartalnoj osnovi anuitete kredita (u skladu sa pravilima bankarskog poslovanja), izvršit će obračun iznosa kamate koji je predmet regresiranja, te u roku od 7 dana od dana zaprimanja dokaza od komercijalne banke o uredno otplaćenim ratama kredita za obračunsko razdoblje, dostaviti Federalnom ministarstvu razvoja, poduzetništva i obrta obavijest o kvartalnom iznosu potrebnih novčanih sredstava za regresiranje kamata za svakog korisnika, sa potrebnim podacima o korisniku za uplatu novčanih sredstava na njegov račun. Federalno ministarstvo razvoja, poduzetništva i obrta će dati nalog Trezoru Federacije Bosne i Hercegovine za prenos sredstava na račun korisnika, u cilju refundiranja kamata, u roku od 7 dana od dana zaprimanja obavijesti.

Razvojna banka Federacije Bosne i Hercegovine i Federalno ministarstvo razvoja, poduzetništva i obrta definisati će međusobne odnose ugovorom o realizaciji aktivnosti regresiranja kamata - Garancijski fond, kojim će biti definisana detaljna procedura vršenja subvencionisanja kamata.

8. IZVJEŠTAVANJE

Ministarstvo će o rezultatima provedbe ove odluke, informisati Vladu Federacije BiH u sklopu izvještaja o učincima kreditno-garantnog programa za mikro, mala i srednja preduzeća, kao i kreditno-garantnog programa za obrtnike i ostale samostalne privredne djelatnosti.

9. OBJAVLJIVANJE AKTA

Ministarstvo će ovaj Program i Odluku o usvajanju Programa objaviti u "Službenim novinama Federacije BiH" i na web stranici Ministarstva: www.fmrpo.gov.ba.